

慈悲蘭盆目連懺卷下

風陵文庫  
文庫19  
F 459  
3





慈悲蘭盆目連懺法道場卷下  
啓運慈悲懺法道場。一心歸命頂禮。十

方三世一切諸佛

南無過去毘婆尸佛

南無毘舍浮佛

南無拘那含牟尼佛

南無釋迦牟尼佛

南無地藏王菩薩

禮諸佛已。復聞佛說。舍衛國中。給孤園

內。尊者阿難。於日晡時。從禪定起。與五

南無尸棄佛

南無拘留孫佛

南無迦葉佛

南無當來彌勒佛

南無目連尊者菩薩



百比丘俱詣佛所。各各頂禮佛足。却住  
一面。爾時世尊。即告阿難。諸比丘衆。我  
有法要。初中後善。其義微妙。純一無雜。具  
足清白。梵行之相。所謂入母胎藏。善思  
念之。我今為汝。分別解說。阿難白佛言。

唯然世尊。願樂欲聞。世尊復告阿難。若  
有衆生。欲入胎時。因緣具足。便得受身。  
或父母諸病。赤白不均。不得受身。或母  
貴子賤。不得受胎身。或子貴母貧。不得  
受胎。父母和合之時。若是男子。於母生



愛於父生。嗔。蹲居母腹。右脇而坐。兩手掩面向脊而住。若是女者。於父生愛。於母生嗔。蹲居左脇。兩手掩面背脊而住。生藏之下。熟藏之上。子女不生。嗔愛即不受胎也。佛告阿難。如是中陰初受胎

時。名歌羅邏身。父母不淨。及過去業。而得受身。所謂地為堅性。水為濕性。火為熱性。風為動性。此歌羅邏受胎之時。四大缺一不成。譬如良田。下種潤滋之處。自然芽莖益茂。花葉敷榮。子女受胎。亦復



如是復此阿難。如是之身。處母胎中。凡  
經三十八箇七日。二十九種業風。第一七日  
猶如生酪。內熱煎煮。第二七日。業風所吹  
於母左右脇邊。狀如稠酪。或似凝酥。第  
三七日。狀如藥杵。歌羅邏身。而復短小。  
第四七日。狀如溫石。內熱煎熬。第五七  
日。諸皯開剖。兩脰兩肩。及其身首完全。  
第六七日。四相出現。兩膝兩肘。第七七  
日。手足掌縵。四相柔輒。第八七日。手足  
二十指相。猶枝條發生。第九七日。九竅



全現第十七日。胎身受滿。猶如浮囊。十一  
七日。身孔俱通。十二七日。生大小腸。三  
百二十支節。及百一穴道。十三七日。胎  
身虛羸。生飢渴想。爾時世尊而說偈曰  
其子處母胎。已經十三七。身即覺虛羸

便生飢渴想

母所有飲食

滋益於胎中

由此身命存

漸漸而增長

第十四七日。前後九百筋。左右而交絡。  
十五七日。生二十脉。通八萬竅。猶如藕根孔  
相連綿。十六七日。氣息通徹。眼耳漸生。十七



七日。兩眼光潔。諸根漸成。如鏡瑩淨。十八  
七日。如雲開月朗。諸根淨明。十九七日。眼  
耳鼻舌。諸根具足。二十七日生。二百大骨。二  
十一七日。身肉相生。二十二七日。身血方生。二  
十三七日。方生身皮。二十四七日。皮膚鮮澤。二  
十五七日。身血肉等。漸漸增長。二十六七日。  
髮毛爪甲。諸脉相連。二十七七日。善業所  
生者。相貌端嚴。音聲開朗。惡業所生者。  
貧窮醜陋。人不在意。亦是父母業感所  
招。二十八七日。生於八種顛倒之想。乘騎樓



閣床榻泉流池沼河園苑林等八想各  
各受想不同。二十九日身色光潤黑白青紅  
隨業成就。二十七日毛髮甲爪增長。三十一七日  
至三十五七日胎身長大人相具足。三十六七  
日於母胎中生厭離心不以為樂。三十七七  
日於母胎中五種不顛倒想不淨臭穢  
因圍黑暗厭惡等五種厭離之心。二十八  
七日而欲出胎或生前作諸惡業於母  
腹內手脚縱橫不能自出子母俱喪。若  
前世脩諸善業獲長壽因安穩而生過



三十八七日。於母胎中種種苦惱。初出胎時。若男若女。適臨產時。或手捧衣承。或床席地上。或迴露日中。或冬夏冷熱。受大苦惱。如生剝牛。觸於墻壁。苦不可言也。始生七日。復生八萬戶。蟲縱橫食噉。

是故世尊云。百蟲之窠。膿血之帟。此身衆苦所集。乃至長大。衣食資養。成立此身。壽命短促。或經百年。三萬六千日。受於此身。二種苦惱。一者衆病集身。內心所生。寒熱逼迫。種種之苦。皆從地水火



風。四百四病成。五陰身。晝夜無暫息時。  
是故佛云。此五陰身。行住坐卧。無非是  
苦。念念纏縛。若復有人。自利利他。厭五  
陰身。歸投三寶。孝養二親。欲報劬勞。號  
天叩地。粉骨碎身。取心剜髓。侍奉父母。  
非為分外。百年報滿。鑿塋為墳。盡終安  
葬。亦未能報。養育之恩。所謂佛言。天下  
之恩。莫過父母。人身難得。佛法難聞。恩  
大難酬。道場難遇。現前衆等。善男信女。  
各念生成之意。咸生報德之心。稽顙求



哀歸命頂禮世間大慈悲父

南無釋迦牟尼佛

南無須彌寶相佛

南無阿閼毘佛

南無須彌寶光佛

南無妙音聲王佛

南無日燈光王佛

南無大燄光明佛

南無淨光普照佛

南無須彌燈王佛

南無寂勝光王佛

南無無量幢幡佛

南無月光毫相佛

南無難陀勇猛佛

南無網光明德佛

南無無相光王佛

南無寶光明德佛

南無普賢菩薩

南無觀世音菩薩



南無地藏王菩薩

南無目連尊者菩薩

禮諸佛已。次復歸命。彌陀慈父。釋迦世尊。龍樹天親。彥琛法師。善導和尚。諸大沙門。集行善行。諸惡莫作。衆善奉行。自淨其心。是諸佛教。先具三心。次五念門。一者至誠心。所謂身業禮拜彼佛。口業讚歎稱揚彼佛。意業專念觀察彼佛。凡起三業。必須真實。故名至誠心。二者深心。即是真實信心。信知自身。是具足煩惱。凡夫善根薄少。流轉三界。不出火宅。



今信知彌陀本弘誓願及稱名號下至  
十聲聞等定得往生乃至一念無有疑  
心故名深心三者回向發願心所作一  
切善根悉皆回願往生故名回向發願  
心具此三心必往生也若少一心即不

可得也如觀經說言若有衆生現世安  
隱後生彼國者欲報父母養育劬勞者  
應當如是勤修正念門五門具足定得  
往生一者身業禮拜門所謂一心專至  
恭敬合掌香花供養禮拜彼諸佛禮即



專禮彼佛。畢命為期。不雜餘禮。故名禮  
拜門。二者口業讚歎門。所謂憶讚歎彼  
佛身相光明。一切聖眾身相光明。及彼  
國中一切寶莊嚴光明等。故名讚歎門。  
三者意業憶念觀察門。所謂專意念觀

彼佛及一切聖眾身相光明。國土莊嚴  
等。如觀經說。唯除睡時。恒憶恒念。恒想  
恒觀此事等。故名觀察門。四者作願門。  
所謂專心。若晝若夜。一切時一切處。三  
業四威儀。所作功德。不問初中後。皆須



真實心中發願。願生彼國。故名作願門。  
五者回向門。所謂專心。若自作善根。及  
一切三乘五道。一一聖凡等。所作善根。  
深生隨喜。如諸佛菩薩。所作隨喜。我亦  
如是隨喜。以此隨喜善根。及已所作善  
根。皆悉與衆生共之。回向彼國。故名回  
向門。又到彼國。已得六神通。迴入生死  
教化衆生。徹窮後際。心無厭足。乃至成  
佛。亦名回向門。五門既具。定得往生。與  
如上三心合。隨起業行。此是淨修白法。



名真實業也。善男子善女人。應如是修  
集。現生父母。福樂百年。臨命終時。身無  
衆苦。即得往生。花臺花閣。空裏相迎。寶  
座寶床。垂虛接引。摩尼殿上。聽說苦空。  
般若池中。蕩除心垢。觀音化佛。為作證  
明。彌勒座前。今明受記。六親眷屬。七祖  
九玄。百福莊嚴。天龍衛護。三塗息苦。地  
獄停酸。法界有情。離苦得樂。所說彌勒  
偈云

堂上有佛二尊

懊惱世人不識



不用金彩粧成  
閻浮現在爺孃  
勤行親奉侍養  
晝夜攝伏身心  
善須念念精專

亦非旃檀雕刻  
便是釋迦彌勒  
福上更修功德  
寤寐一如消息  
孝當心心竭力

本生父母開懷

是德是恩報畢

普令法界含生

盡了惟心即佛

今日道場同業大衆稽首歸依世間大  
慈悲父

南無釋迦牟尼佛

南無自在神通佛



南無不動尊王佛

南無河沙淨土佛

南無阿僧法藏佛

南無新發道意佛

南無無生不退佛

南無當來補處佛

南無百福莊嚴佛

南無大自在王佛

南無虛空寶光佛

南無寂上日光佛

南無樹王山頂佛

南無功德林中佛

南無法音清朗佛

南無雷音聲王佛

南無功德山王佛

南無聲聞舍利佛

南無無盡功德佛

南無普賢願王菩薩

南無文殊師利菩薩

南無觀世音菩薩



南無增福慧菩薩

南無目連尊者菩薩

南無地藏王菩薩

禮諸佛已。普為師僧父母。及善惡知識。  
法界衆生。斷除三障。同得往生。彌陀佛  
國。歸命懺悔。仰白十方。盡虛空界。無盡

三寶及十二部尊經。無量聖賢。天龍八  
部。盡衆生界。發露懺悔。懺悔有三品。上  
品懺悔者。身毛孔中血流。眼中血出。中  
品懺悔者。遍身熱汗。眼中血流。下品懺  
悔者。遍身徹熱。眼中淚出。此等三品。雖



有差別。即是久種解脫分善根人。致使  
今生敬法重人。不惜身命。乃至小罪。亦  
能徹心徹髓。能如此懺者。不問久近。一  
切重障。頓皆滅盡。現前大眾等。證知我  
某甲。發露懺悔。從無始已來。乃至今身。弒

害一切三寶。師僧父母。六親眷屬。善知  
識。法界衆生。不可知數。偷盜一切三寶。  
師僧父母。六親眷屬。善知識。法界衆生。  
物。不可知數。於一切三寶。師僧父母。六  
親眷屬。善知識。法界衆生。上起邪心。不



可知數妄語欺誑一切三寶師僧父母  
六親眷屬善知識法界衆生不可知數  
或綺語調弄惡口罵辱誹謗毀譽一切三  
寶師僧父母六親眷屬善知識法界衆  
生不可知數兩舌鬪亂破壞一切三寶

師僧父母六親眷屬善知識法界衆生  
不可知數或破五戒八戒十善戒二百  
五十戒五百大戒菩薩三聚戒十無盡  
戒乃至一切戒及一切威儀戒等自作  
教他見作隨喜不可知數如是等衆罪



亦如十方。大地無邊。微塵無數。我等作  
罪。亦無邊。無數。虛空無邊。我等作罪。亦  
復無邊。法界無邊。亦如上。法性無邊。亦  
如上。方便無邊。亦如上。如是等罪。上至  
諸大菩薩。下至聲聞緣覺。所不能知。唯  
佛與佛。乃能知我罪之多少。今於三寶  
前。法界衆生前。發露懺悔。不敢覆藏。唯  
願十方三寶。法界衆生。受我懺悔。憶我  
清淨。始從今日。願共法界衆生。捨邪歸  
正。發菩提心。慈心相向。佛眼相看。作菩



提眷屬作真善知識。同生佛國。乃至成佛。如是等罪。永斷相續。更不復造。惟願諸佛哀憐攝授。重複歸依世間大慈悲父。南無釋迦牟尼佛。南無阿闍毗神通佛。南無寶光明王佛。南無殊勝輪王佛。

南無日月燈王佛。南無名聞光耀佛。南無無量壽光佛。南無無量精進佛。南無大光普照佛。南無大明燈王佛。南無寶相威嚴佛。南無淨光普徧佛。南無最勝音王佛。南無恒沙妙寶佛。



南無日明遍照佛

南無月光明德佛

南無無盡寶王佛

南無光明無盡佛

南無須彌寶相佛

南無妙寶花王佛

南無無邊淨月佛

南無精進無盡佛

南無寶華功德佛

南無見一切義佛

南無常精進菩薩

南無不休息菩薩

南無觀世音菩薩

南無除蓋障菩薩

南無地藏王菩薩

南無目連尊者菩薩

禮諸佛已。重復志誠稽顙至禱懇切求

哀。向十方三世三尊萬德三身具足大



覺太乘大慈悲父。發露罪纏。懺悔業障。  
從無始無明住地以來。六根所起罪業。  
六根所造纏障。眼觀邪色。從邪色緣起。  
非法念。造諸罪纏。造諸業障。耳聞亂聲。  
從亂聲緣起。非法念。造諸罪纏。造諸業  
障。鼻嗅香臭緣。從香臭緣起。非法念。造  
諸罪纏。造諸業障。身觸細滑。從細滑緣  
起。非法念。造諸罪纏。造諸業障。意深惑  
塵。從惑塵緣起。非法念。造諸罪纏。造諸  
業障。如是六根起六非法。生六非念。為



六惡纏作六惡障。眼障不覩慈光。耳障不聞法要。鼻障不嗅妙馨。舌障不嘗甘露。身障不親賢善。意障不悟圓明。障於六法。迷於六情。沉於六道。閉於六門。六門不開。三塗不息。若不歸誠三寶。何謂拔諸罪緣。今日道場同業大衆。當念時光迅速。世相無常。幻質非堅。色身非有。早宜覺悟。速預嚴持。一息如不來。萬緣非我有。惟此六根業。不暫相捨離。從生至於生。從死至於死。未獲六神通。安除



六根障。唯有懺悔力。乃能得清淨。所謂  
經中佛說。一切業障海。皆從妄想生。若  
欲懺悔者。端坐念實相。衆罪如霜露。慧  
日能消除。是故應志心。懺悔六情根。現  
前大衆各發誠心。勤虔稽首。歸命頂禮。  
天人大覺師。世間慈悲父。

大慈大悲諸覺尊。光明普含諸法界。  
遍照六道衆生中。一切有情悉平等。  
我以六根惡障纏。輪迴生死不知覺。  
眼濁障故慧日沉。耳濁障故法音絕。



鼻濁障故戒香殘  
身濁遠離大道場  
有此諸惡未消滅  
今日道場開覺意  
唯願大顯光明幢

舌濁障故甘露盡  
意濁難明真妙道  
迷沉長不離三塗  
得覲菩提妙薩婆  
樂破昏衢朗幽黑

罪如霜露咸消鎔  
南無釋迦牟尼佛  
南無宿王華德佛  
南無端嚴香象佛  
南無寶華嚴身佛

秉志投誠禮真寐  
南無梵音聲王佛  
南無香華莊嚴佛  
南無得大猷肩佛  
南無娑羅寶林佛



南無如須彌山佛

南無大獅子吼佛

南無名德無量佛

南無法幢寶相佛

南無持法功德佛

南無寶莊嚴王佛

南無寶華殊勝佛

南無優鉢羅華佛

南無諸刹分身佛

南無海藏龍宮佛

南無萬億微塵佛

南無恒沙無數佛

南無諸方照明佛

南無琉璃光王佛

南無文殊師利菩薩

南無大行普賢菩薩

南無觀世音菩薩

南無無邊身菩薩

南無地藏王菩薩

南無目連尊者菩薩



禮諸佛已。次復懺悔。道場大眾。同業淨  
人。上來所懺。六根罪障。今當懺悔。佛法  
僧間。所起罪障。自從曩劫。至於今辰。於  
佛法僧。不生敬信。恣縱身心。造惡業緣。  
罪迷海岳。至墮三塗。出生人間。墮於邪  
見。或生邊地。恒不見聞。從迷至迷。轉轉  
由隔。不能眼覩慈光。不能耳聞法要。不  
能鼻嗅法香。不能舌嘗法味。不能身離  
塵網。不能心悟真常。不知佛是慈悲父。  
不信法是病良方。不敬僧是佛福田。不



求離世解脫樂。欺誑賢聖。輕忽龍神。搪突聖像。誣污正真。出佛身血。弒阿羅漢人。侵犯僧尼。破和合衆。焚燒塔寺。毀壞道場。沉潛法藏。不肯流傳。自弗誦持。亂他聽法。喧鬧禪房。求法師過。裸露不淨。威儀輕慢。不遵禮法。恣用佛法僧物。渾不生愧。稱慙盜匿。齋糧斷除。香積偷竊。常住絕滅。香燈黃金色相。不行莊嚴。白玉毫光。未常禮敬。烟熏塵分。像體於屏風。震雨凌身。形損壞。誰肯修成。輕賤三



乘等。人不敬六和清衆。更復怨黷訶叱。害殺無上菩提心人。或復嗔恚憎凌。水火焚毀經卷。於三寶間造如是等種種惡法。致使罪無邊際。業積深淵。永趣沉淪。無由解脫。今日幸逢聖化。開建慈門。廣度有情。俱登覺岸。宜各人人。仰承三寶。秉志投誠。端謹一心。求哀禮懺。當知三寶。即是一切衆生。良友福田。若能歸敬者。則滅無量罪。長無量福。拔諸趣之沉淪。解多生之纏縛。青提夫人。悞用齋。



錢。墮於黑暗。受無量苦。目連尊者。仰承  
佛化。竭其神力。援出沉淵。脫於地獄。超  
生天道。道場大衆。男女信人。今當發起  
勇猛心。精進心。哀誠心。懺悔心。求解脫  
心。離世間心。念無常心。勤衆善心。斷惡  
業心。恭對十方三世三寶。稽顙求哀。痛  
切懇禱。志誠懺悔。佛法僧間。所作一切  
罪業。願從今日。至坐道場。罪垢消鎔。業  
塵蕩釋。身根潔淨。心地清涼。六門開朗。  
三德全彰。洞達三空。了明十地。捨邪見



心得正念心。離嗔恚心。發菩提心。同諸  
佛心。等諸佛願。皈命三尊。攝化一切。同  
入法門。同歸真際。不復更造佛法僧間。  
邪念邪見。一切罪障。和合一心。等一痛  
切。五體投地。歸依頂禮。天上世間。大慈

悲父

十方師子大法王	龍宮海藏廣宣揚
十地真流菩薩衆	三乘得道諸聖賢
同賜慈悲本願力	普觀一切衆生中
罪福業果諸有情	咸以神通充遍覆



三寶資饒悉平等  
於中造出無邊罪  
稽首和南勤頂禮  
願賜哀憐垂加護  
所有罪根皆懺悔

我以惡濁深障纏  
今於此地發真誠  
一心歸命佛法僧  
始從曠劫及今身

南無釋迦牟尼佛  
南無最極高行佛  
南無旃檀功德佛  
南無寶莊嚴王佛  
南無廣衆德明佛

南無行善明德佛  
南無智常安樂佛  
南無無量寶明佛  
南無不動須彌佛  
南無寶華琉璃佛



南無金藏功德佛

南無相好無量佛

南無三乘行滿佛

南無寶華光耀佛

南無晟德光明佛

南無富貴安榮佛

南無花菓芬芳佛

南無玉毫金相佛

南無不動金山佛

南無金剛堅固佛

南無光明寶王佛

南無精進勇力佛

南無普現諸方佛

南無寶月常明佛

南無普光清淨佛

南無萬德莊嚴佛

南無莊嚴劫中佛

南無星宿劫中佛

南無得法喜樂佛

南無越三界菩薩



南無無邊身菩薩

南無觀世音菩薩

南無地藏王菩薩

南無目連尊者菩薩

以此平等禮。無禮無不禮。一禮遍含識。同會實相體。普為四恩三有及六趣衆生。斷除三障。發菩提心。歸命懺悔。至心

懺悔弟子等。

從自無始已來。迷本逐癡情。

妄謂身心故。自他分別生。由斯起惡業。虛受六道形。觀察尋其主。了不見真源。三毒貪嗔海。真實是泥洹。今日自懺悔。不復從情端。千萬劫衆罪。消融一念間。



我悔悔已。至心歸命禮三寶。至心勸請  
十方三世大慈尊。唯願常住莫涅槃。三  
界衆生迷未悟。如何早得見真源。將心  
逐心不自覺。虛妄顛倒永沉淪。唯願慈  
尊哀受請。種種方便引羣生。勸請已。至  
心歸命禮三寶。至心隨喜過去已成佛。  
其數如恒沙。未來修學者。速長菩提芽。  
三界無根本。猶如虛空花。唯願諦思入  
正受。共遊法界家。隨喜已。至心歸命禮  
三寶。至心回向。無始已來心流浪。未曾



一念正回向。今日始悟心無生。昔來迷  
昏自生障。唯願學人如諸佛。離念分別  
正回向。回向已。至心歸命禮三寶。至心  
發願。願一切衆生見心源。速離煩惱越  
苦海。早證身中大涅槃。唯願慈尊加護

念莫滯有無。諸見生發。願已。至心歸命  
禮三寶。一者願弟子等。從今已往。一切  
劫中。一切生處。常恭敬供養。一切諸佛。  
盡未來際。無有休息。二者願弟子等。從  
今已往。常受持一切諸佛。如來甚深法



藏。即自開解。不由他悟。盡未來際。無有  
休息。三者。願弟子等。從今已往。一切諸  
佛。坐道場處。常於是中。攝法為首。請轉  
法輪。盡未來際。無有休息。四者。願弟子  
等。從今已往。常行一切菩薩大願大行  
盡未來際。無有休息。五者。願弟子等。從  
今已往。常能教化一切衆生。卵生胎生  
濕生化生。有色無色。有想無想。非有想  
非無想。我皆令入。無餘涅槃。如是滅度  
無量無邊衆生。實無衆生得滅度者。盡



未來際。無有休息。六者。願弟子等。從今  
已往。常知一切諸佛國土。如對目前。盡  
未來際。無有休息。七者。願弟子等。從今  
而去。常能嚴淨一切諸佛國土。盡未來  
際。無有休息。八者。願弟子等。從今而去  
常不離一切諸佛菩薩及諸善知識。同  
心修行。集諸善根。盡未來際。無有休息。  
九者。願弟子等。從今而去。所有三業。若  
有衆生見者。聞者。無有空過。如大藥王  
樹。如如意珠身。盡未來際。無有休息。十



者。願弟子等。從今而去。成等正覺。轉大  
法輪。度脫一切衆生。盡未來際。無有休  
息。願以此禮佛行道懺悔。發願燒香。然  
燈。所修一切善根。悉以回施。一切衆生。  
願令一切衆生。永離一切地獄。餓鬼。畜  
生。閻羅王。受苦處。常生人天中。見佛聞  
法。發菩提心。修菩薩行。又願以此善根。  
回向無上菩提。不求世間生死果報。又  
願以此善根。回向真如法界海。法性不  
可盡。我願不可盡。佛海不可盡。志願不



可盡。慧海不可盡。誓願不可盡。不可說  
不可盡。弘願恒無盡。一切和南。三乘聖  
衆

慈悲蘭盆目連懺法道場卷下

天上天下無如佛 十方世界亦無比  
世間所有我盡見 一切無有如佛者  
稽首和南仍復敬禮

十方三世極微塵刹一切諸佛  
十二部尊經甚深法藏



萬行功成諸大菩薩一切聖賢

為二十八天釋梵王等敬禮常住三寶  
為諸龍神等風雨順時敬禮常住三寶  
為過現諸師恒為導首敬禮常住三寶  
為天皇天后聖化無窮敬禮常住三寶

下卷第十八

為諸王公主文武百官敬禮常住三寶  
為存亡父母諸善知識敬禮常住三寶  
為十方施主六度圓滿敬禮常住三寶  
為此國土過往諸人神生淨土敬禮常住三寶  
為僧伽藍神并諸眷屬敬禮常住三寶



為四方寧靜兵甲休息敬禮常住三寶  
為三塗八難受苦眾生敬禮常住三寶  
為法界眾生永除三障

歸命至心懺悔 十方無量佛

所知無不盡 我今悉現前 發露悔諸罪

三三合九種 從三煩惱起 今身若前身

有罪盡懺悔 於三惡道中 若應受業報

願得今身償 不入惡道受 十方一切佛

現在成道者 我請轉法輪 安樂諸眾生

十方一切佛 若欲捨壽命 我今頭面禮



勸請令及住

所有布施福

持戒修禪行

從身口意生

去來今所有

習行三乘人

具足三乘者

一切凡夫福

眾等皆隨喜

我所有福德

一切皆和合

為諸眾生成

正回向佛道

願諸眾生等

悉發菩提心

繫心常思念

十方一切佛

復願諸眾生

永破諸煩惱

了了見佛性

猶如妙德等

今日已過暮夜難保但觀此身念念衰

老百年常期修心宜早是故眾等勤心

行道諸行無常是生滅法生滅滅已寂



滅為樂

三下卷第九

如來證涅槃

永斷於生死

若能至志聽

常得無量樂

諸大德欲求寂滅樂當學沙門法衣食

繼身命精麤隨眾等今日某日各各念

佛念法念僧念戒念施念天六念已

誦大集經呪

南無佛陀耶

南無達磨耶

南無僧伽

耶 胡嚧嚧

悉度嚧

遮賦婆訖利

波 悉檀尼

步嚧尼

娑婆訶



持呪已禮佛恭敬

自皈依佛當願衆生體解大道發無上意  
自皈依法當願衆生深入經藏智慧如海  
自皈依僧當願衆生統理大衆一切無碍  
願諸衆生三業清淨奉持尊教和南聖衆

施粥偈天帝釋說

持戒清淨人所奉  
十利饒益於行者  
宿食風除飢渴消  
欲得生天長壽樂

恭敬隨時以粥施  
色力壽樂詞清辯  
是名良藥佛所說  
應當以粥施衆生



菩提無發而發  
妙用無行而行  
與悲悟其同體  
無所捨而行檀  
修進了無所起

佛道無永故永  
真智無作而作  
行慈深入無緣  
無所持而具戒  
習忍達無所傷

般若悟境無生  
鑿無身而具相  
建立水月道場  
羅列幻化供具  
懺悔罪性本空

禪定知心無住  
證無說而談詮  
莊嚴性空世界  
供養影響者如來  
勸請法身常住



回向了無所得  
讚歎彼我虛玄  
禮拜影現法會  
焚香妙達無生  
散花顯諸無著

隨喜福等真如  
發願能所平等  
行道足躡真空  
誦經深通實相  
彈指以表去塵

施為谷響度門  
深入緣生性海  
誓斷無染塵勞  
履踐實際理地  
降伏鏡像魔軍

修習空花萬行  
常遊如幻法門  
願生惟心淨土  
出入無得觀門  
大作夢中佛事



廣度如化含識 同證寂滅菩提

大道明明極自然  
蘭盆會啓利人天  
普霑甘露資恩有  
處處興隆佛福田

茗溪南阿練若木林  
宗森書

我親同是目連親  
我願因如羅卜因願  
裏深懷慈母報報中  
恒仗佛慈仁仁慈  
未滿仁還報報未仁  
酌念念新念念念  
忘忘念處我親同是目連親

石溪天寶山本空  
元題



恢弘大法設蘭盆光耀天涯振海垠業  
地翻為華藏土後教報德與酬恩

伏龍山無明老頭陀元長書

懺修有作顯神功業蕩無明真性融生  
死夢消恩愛絕輪迴路息悟迷空紅蓮  
出水香風拂玉樹叅天花雨濛孝義為  
先真則名揚千古振宗風

錢關 息通 書

目連報德利人天我歷多生願亦然八  
難三塗離苦趣四生六道出幽纏阿鼻



化作仙宮樂業海  
翻生淨土蓮  
萬里迷雲消散後  
一輪秋月正孤圓

明石鏡

題

蘭盆滿洒醍醐味  
普濟羣生解倒懸  
苦趣易為安樂地  
不須更問率陀天  
龜溪慧愚書

目連一鉢清心水  
洗滌塵銷罪亦空  
劍樹滿林秋月白  
刀山徧地日輪紅  
牛頭合掌歸依佛  
馬面擎珠獻祖翁  
為報聖凡投覺海  
了無南北與西東

茗谿霞霧山

石屋

題



妙契無生真懺摩驪珠出海照娑婆勞  
生遇此光明者絕類離倫價倍多。

天池老衲空海本源書于

龍峯清勝堂

一句成了然親登佛祖位青提失正心



目連行孝義金陵迥法師編懺因緣備  
茗溪鍊關者信手拈來示嘉禾海宗源  
契心而同志如空印將來洞明先聖意  
印余宗鏡堂訂證蘭盆器事懺兼理懺  
利他還自利鏤出摩尼珠光明照天地



法界諸衆生一齊同授記從教財施與  
法施平等元無二所謂迦文云始於鹿  
野苑終至跋提河未嘗談一字此是能  
事畢時節至聞耶見耶誰不稱慙愧真  
風千古何曾墜

昔至正辛卯佛制日書于  
淨慈宗鏡堂平山 處林







重刊目連懺法後序

緋袍解贈頓釋鑿筋毀齒之寃玉帶奉還即  
感出將入相之貴開花結果有種必收善惡影  
隨理固然矣昔青提作不善業遂隨餓鬼趣  
中藉目連道眼之明脫慈母於獄戶先哲欲為

人子者當行孝取目連名題纂成懺法垂  
軌範於後來者其用心也誠可尚矣余幼失恃  
怙托跡空門愧道眼之未明痛親恩之曷報幸  
遇故柱國永寧伯譚公緣契勸作勝因創大  
伽藍兩處祝延





萬曆三十六年四月八日信士陳萬里同妻高氏  
 丙字庫掌庫事內官監太監卞進忠  
 信官王忠 信士薛德仁發心同造  
 慈悲蘭盆目連懺一部普願累世父母早遂  
 超昇現世慈親綿延福祉  
 凡所見聞者悉同我願



